

Ийэ тыл учууталыгар

Төлө туппут төлкө курдук
Төннө сыспыт төрүт тылбыт
Түөрэнэлиир үйэтигэр,
Иннэстибит сэргэ курдук
Иэдэйэ сыспыт ийэ тылбыт
Тэмтэрийэр кэмигэр,
Сахалы билбэт сахалар
“Сайдыбыт” аҕай сахтарыгар,
Саргылаах сахам тыла
Самна сыспыт кэмигэр
Эн, ийэ тыл кэрэһитэ,
Төрөөбүт тыл учуутала,
Ис сүрэххиттэн ийэн-куойан,
Күүскүн-күдэххин тобу ууран,
Орой –мэник оҕо сааһы,
Үүнэн эрэр үнүгэһи,
Кэлэн эрэр кэнчээрини
Өбүгэбит остуоруйатын
Дьиктилээх-алыптаах
Уйатыгар угуйдун,
Таабырын, чабырҕах
Талба таһаатыгар
Таба тайаннардын,
Ылбаҕай ырыа-хоһоон
Ыпсарыылаах ыллыгар
Ыкса кытыардын,
Эгэлгэлээх кэрэ кэпсээн
Кэрэхсэнэр эйгэтигэр
Кэмнээбэккэ киллэрдин.

Улуу Ойуунускай убайбыт
Олонхо дойдутун ойуулуур
Оһуор-ойуу тылын уостубат уйгутун
Куппутугар куттун,
Куту-сүрү кууһа сылдыар
Өлбөт-сүппэт сүмэһиннээх
Өксөкүлээх илбис тылын
Сүрэхпитигэр сөнөртүң.
Атын омуктан ураты буолар,
Ураанхай үйэтин ууһатар
Тыыннаах буолар биир эрэ суолунан
Илгэлээх ийэ тылбыт буоларын
Эппитигэр инэрдин,
Хааммытыгар хатаатың,
Дьолоһойбутугар тохтоттун,
Куппутугар туттардын!
Уйулҕаны уйгуурдар уран тыл барахсан
Уостубат уйгутун
Улаатан эрэр уу-тунуй сүрэххэ
Уһугуннарар эн эрэ буолаһын,
Ийэ тылбыт кэрэһитэ,
Төрөөбүт төрүт тылбыт түсчүтэ,
Саргылаах сахам тылын учуутала!
Эбэрдэ буоллун эйиэхэ
Учуутал эриэккэс күнүнэн!
Айхал буоллун эйиэхэ
Учуутал бэлиэ сылынан!

Яков Григорьев, Бүлүү гимназиятын
11 “а” кылааһын үөрэнээччитэ.
Балаҕан ыйа, 2012 сыл.

